



鳳池吟稿卷之二

七言古體

過義烏拜顏孝子祠

名烏秦人

顏孝子爾雖生不遇時死有可模羸秦虎眈吞羗  
胡阿房作宮咸陽都築城萬里非久圖吮民骨髓  
民骨枯鳳凰不鳴賢者逋虎狼在肘羸識無當時  
孝子靡所芘閉門讀書懷遠暮有親在堂垂白顛  
朝食橡粟暮采茶山空谷底誰與徒悲歌慷慨聲  
嗚嗚歸來堂上親已殂白日慘淡天模糊捫心向

鳳池吟 卷之二  
天哭不蘇愁雲在樹棺在途對面非朋友側身寡  
妻孥出門暴風吹裂膚哀哀求人誰肯徂人不汝  
從從者烏烏傷烏傷日就哺繼之以血將其雛以  
喙助土不告痛至今故塚生春蕪嗟嗟顏孝子特  
立太華孤秦日苦短不可扶王風斷喪世道汗衣  
冠毀裂淪泥塗君父視之如參芻荒涼古廟森雙  
梧饑鳶下啄驚愁狐何人爲子以清酤我今下馬  
拜義烏義烏義烏空萬夫

題孫植所画馬圖爲德明何參政賦

烟氛四塞山河裂海內人心望昭晰赤龍飛渡東  
南來塵盪乾坤開日月當時際會乘風雲左之右  
之皆駿犇騏驎寧數月氏種驪黃况是滎河孫朝  
蹴鯨波上荆楚莫蹴燕塵過齊魯固知逸足誇騰  
驥寔自雄才耀奇武將軍稟賦雄武姿攀鱗每獨  
爭先馳十年跨馬事雄戰乃復得此龍媒奇紫絲  
垂韁金絡腦慣向都門踏清曉體如疋練氣如虹  
舉手真堪接飛鳥梨花吹雪東風香蘭筋鳳臆森  
開張鏡瞳的皪瑩鉛水竹耳揮霍批秋霜將軍歸

來重追憶緩轡從容花下立故令毫素爲揮洒肯  
忘當初戰征日君不見長安昔數曹將軍画馬愛  
画骨與神天閑十二總名馬意度經營殊絕倫又  
不見汾陽亦有獅子花霜蹄卓鉄盤風沙潼關蜀  
道屢來往展轉百戰開京華予亦平生事奇絕按  
圖對馬心神悅不須更論画者工且以汾陽爲君  
說

### 五老峯

五老峯吾不知出於幾千萬載貌何古頭何童上  
有一老摩大空儼然長庚貫當中傍有四老何龍  
鍾彷彿南山之隱翁雲爲衣天爲蓋彭蠡微茫一  
杯大小孤大孤鬱相望五老笑談如拾芥嗟余太  
倉一稊米屢向峯前弄烟水明日東遊登泰山長  
挹諸翁碧雲裏

### 歌風臺

古臺秋風吹野蒿大江直下奔驚濤塊然崛起不  
數仞老氣尚欲憑雲高在昔六王戰爭已鮑魚風  
腥祖龍死嶠函以西羣虎生豐沛之間一人起手

提三尺風塵中敢與楚霸分雌雄入關先遂父老  
願屈身反比臣妾同楚霸炙手勢已極漢高虛心  
未安席喑鳴豈是興王謀寬厚却有回天力烏江  
合戰由一麾韓彭之功寔在茲後來處置稍失序  
毋乃大醇而小疵故鄉故鄉歸去來槌牛醜酒臨  
高臺鄉中故老見天子慨想昔游今壯哉酒酣拔  
劍大風裏自舞自歌隆準起願以猛士守四方山  
川草木從風靡惜哉漢高之慮在目前於變時雍  
恐未然此風徑開四百載那似周家八百年江湖  
小臣牛馬走落日登臺重回首悵望長陵塵靄間  
還酌彭城一杯酒

震栢篇贈陳景仁

桐川官舍有雙栢歲久蒼髯森森立蜿蜒古幹蟠  
蛟龍礪礪蜃根錯金石長風萬里海嶠來怒挾鯨  
濤撼虛碧萬木已就衰百卉亦改色輾轉玄陰互  
開闢爾乃不受霜雪迫使君獨好事十月南省還  
駐車官舍頗清暇起坐正在雙栢間天空鶴巢雲  
渺渺月冷子落秋班班况當桐川歲時晏農務告

成官事閒默然冠帶憇晴日對此想像緩民難豈  
惟耽彼樂聊復怡爾顏君不聞召公美化行南國  
手撫甘棠重游息後來歌詠思不忘愛樹真如愛  
其德又不聞潘岳出宰河陽城種花滿城花晝明  
河陽小治亦稍輯尚有簡牘書令名君才遠抱歲  
寒節逸氣孤騫凜冰雪明堂大開需棟梁引領相  
期繼前轍只今兵革運四方天地蒼茫日流血朝  
廷求治安丞相攬英傑君乎君乎當勉旃毋以哦  
松事清絕爲君長歌雙栢篇白露蕭蕭滴涼月

萬家湖

萬家湖湖水活濁浪排空噴流沫黃河不與淮河  
通渚蓄洪濤際空濶昨日大船無好風推挽亦與  
湖爭雄小船尾尾蕩雙槳超如脫兔輕如鴻今朝  
忽喜南風作大船中流肆騰躍小船退縮莫敢行  
盡向黃蘆岸西泊萬家湖水空潺潺四顧不見隄  
與山但願長風不驚浪不惡大船小船俱往還

繁昌夾

繁昌夾繁昌夾口江流狹波濤洶洶雲冥冥蘆葦

蕭蕭風颯颯棹郎三日無北風背牽百丈行澤中  
前歌未斷後歌發野烟孤沒驚飛鴻繁昌夾流深  
幾許繁昌人民夾前往苦竹截篙蘆縛舟打魚燒  
山自成趣人生處世何爲榮一褐足以安其生但  
得有溪可漁有土可耕何用出入誇肥輕君不聞  
五陵公子多豪舉甲第連雲燿飛翥朝聞鼉鼓擊  
春風暮見彤屏鎖秋雨

山有湫

山有湫雲蒼鬱風颯颯乃在章貢之陽崆峒之幽  
湫波冰浸石骨底陰森樹木相綢繆上有千丈之  
翠壁下有百尺之蒼虬神奇鬼怪變恍惚駘逐雷  
雨無停留今年五六月稻禾乾欲死磬磬章貢民  
束手坐待斃嗟哉兵困餘何以復如此山湫有靈  
聽我言爾虬宅茲久蜿蜒安危同境憂樂然寧不  
一出爲我民周旋坐令膏澤遍四海力挽凶歲成  
豐年山有湫生雲烟

珠湖篇

在高郵西亦名甍社中有珠夜現

湖光倒浸玻璃冷湖水瀾漫幾千頃中有峯頭玉

井蓮靚理凝粧照秋影湖邊老翁塵外仙鶴髮蕭  
 蕭垂滿肩手扶蘭槳暫容與爲我拊髀陳當年當  
 年四海無虞日桴鼓不鳴風浪息老蚌銜珠高射  
 天夜夜寒芒耀奎壁奎壁聯輝清夜長美人亭上  
 掬珠光春秋一經究終始重在出霸先尊王江淮  
 風俗近淳古米穀年豐賤如土驚犬何曾吠暮村  
 多材已覺登天府

孫莘老湖上構玩珠亭夜對珠  
 光讀書與弟覽皆登科註春秋

行于世後來明珠歸海東野鷗搖蕩月朦朧画船盡

日載歌舞滿眼嬌雲花闌紅嬌雲滿眼觀不足綠

柳新蒲戲雙玉公子新裁描繡衣館娃學寫連珠  
 曲曲譜漸繁愁漸多夕陽流水竟如何一朝萬事  
 隨轉燭伐鼓鳴鉦戰艦過戰艦飛來截湖水綵幟  
 牙檣半空起列郡摧殘灰燼餘生民痛死溝壑裏  
 老翁既言長嘆嗟側身搖望日西斜殺氣憑凌氛  
 翳合散爲愁雲東向遮我聞老翁如此語暫爾停  
 舟坐脩渚聖人有作朝明堂五日一風十日雨古  
 來治亂信有時天運豈以人力爲終見明珠出海  
 底致彼俗尚還熙熙翁聞我言不肯住浪採蘋花



入雲去回看天地兩茫茫款乃酣歌隔烟樹

題滄洲圖

南宮校里東吳客手把滄洲画盈尺相逢江左求  
我歌我豈深知画無敵但憶昔人臨画時彷彿盡  
日凝神思峯巒隨意出萬仞點綴到處生秋思陰  
厓磅礴老樹死怒流瀆激蒼虬悲瀟湘玄圃在眼  
底石門劍閣相參差乃知好画不易得令我一見  
三嘆之君不聞王維愛画入骨髓筆勢東傾九江  
水開元年間數画師維也差看獨奇偉後來宣和  
收画圖片紙落手千金沽輞川遺製妙天趣識者  
至今稱絕無我家遠在東湖曲朝服晴霞飲春綠  
何當著我雙樹間臥聽松風撼羣玉

凌歊臺

姑溪城北西風起臺構荒涼俯秋水美人罷粧鸞  
鏡塵宮樹長年落紅紫我思宋祖行樂時五雲不  
盡來輶輜錦箏銀瑟度華月碧紗翠月生疑颺當  
時美人坐臺上綠水青山互相向野禽曾逐烟際  
來翻得叢中數聲唱美人于今去不還白雲夜夜

原注吟藁 卷之二  
愁空山空山唯有石泉水彷彿清冷鳴珮環臺前  
野老頭如雪但云臺構民脂血請君當歌慷慨辭  
毋俾令人繼前轍

香溪渡

香溪渡頭春雨時溪風吹青楊柳枝溪頭死者苦  
無數白骨纍纍知是誰舟中老人向人語此徒乃  
是良家子一身去家克海軍劄若香溪渡頭水大  
軍萬馬西南來赤幟白日青天開奈此縱橫肆血  
氣至今白骨堆青苔君不聞聖人用兵不爲已伐  
暴勝殘濟時起鋒鏑之下不可容要在人心識天  
理

寓史相故宅用郭奎夜吟韻

金張第宅連雲樹鳳筦鴟絃語春霧尊前月落人  
未眠門外烏啼天欲曙秋風蕭蕭吹客衣堂上主  
人胡不歸雕垣粉剝野鼠窟夾道草深官馬稀烏  
虜蟬朝生悲暮死荆卿長歌手挾七鹿門乃有  
龐德公白頭採芝近鄉里

題僧巨然層嵐春霽圖

表一無滄海客瀛洲仙貌如秋鶴照野田手持層  
嵐春霽圖云出画師僧巨然筆蹤茫昧不可識但  
見粉墨剥落生雲烟青鞋布襪者誰子一琴一鶴  
相後先山中酒熟鳴夜泉碧桃流水春風前朗吟  
一醉三千年不知何處有此景興來欲放西津船  
與君笑傲金焦巔與君笑傲金焦巔

題卜子敬所画翰竹軒圖爲夏仲南賦

道人家在南山巔長日罷讀秋水篇邇來種竹不  
數本稍覺窓戶生雲烟龍稍交交翠欲舉恍疑泊  
近湘江渚鸞鳳翻影雲背來高處風驚夜深語東  
湖隱者亦好歌手把綠玉披紫荷清晨梳頭踏曙  
色到此徙倚聆秋珂卜君之画迥不俗卜君之容  
美如玉明朝擬買好東絹請君寫我篔簹谷

幽遠亭

曲易城外佳林苑翠竹蒼松夾清淺誅茆飛構凌  
宵冥佇目幽觀極深遠李侯伯仲神仙人棣花輝  
映蘭玉春當時起坐此亭上揮洒翰墨成天真一  
別流光去如水亭榭荒涼日傾圯松楸偃蹇雙墓

間狐兔縱橫夕陽裏邇來感慨江之東白雲知子  
來秋空神悽意愴思莫極爲把濁酒臨北風

### 田將軍

田將軍爾能武爾能文年未三十思致君丹衷耿  
耿貫白日逸氣矯矯橫秋雲雕弧二石不足挽有  
如驊騮一出空其羣我歌將軍行將軍聽我歌漢  
家名將二十八寇恂至今德者多寇恂獨何爲愛  
民不忍咤遂令河內安以德不以力後來論功數  
晉陽文武劍珮參翺翺將軍無乃踵其事異日何

### 慚輔漢唐

過通許

乙未年廣西軍戰敗于此  
迨今人馬朽骨迷滿堤岸

廣西少年輕學文學武游遠從北軍檄書催渡蔡  
河水廣西少年同日死黃沙滂滂河水渾鴈鵠鎖  
血埋腥臭惟有當時戰殘鐵夜夜寒芒燭華月

### 梁山磯

東梁山西梁山兩山倚角江之灣江流到山勢轉  
束銀潢直瀉當天關蛟龍宅其幽鷹隼巢其間沉  
雄詎能測峭拔難爲扳旭日洞射青紅殷秋風刮

地吹狂瀾拏舟上遡力愈難長篙脫手退卽易巨  
纜曲脊行何難使人髮可化爲白臂莫可以翰烟  
霏林冥冥石磴泥盤盤悒鬱坐此長悲嘆山邊老  
翁如石頑懸厓挿木坐碧管釣絲萬丈墜波底問  
我西去何當還勸我且艤舟稍爲半日留討論身  
外事拂拭心上愁向夜風雨磯上頭夔巴有客過  
我游請言蜀道險外此非所憂蜀山之高高不可  
與侔青天相去不盈尺須彌夜號蛇倒泗蜀江之  
深深不可冥按陽侯譁浪騎黃牛白帝來時駟蒼  
虬人生毋乃困羈絆到此亦復從所由世間夷險  
本一致我心坦坦成安流我心坦坦成安流俛首  
謝翁言銘刻在肝肺遲明采蘭葉中流漾晴霽  
望梁山磯烟深兩眉翠

戲馬臺

咸陽宮中驚走鹿海內豪強起爭逐高才疾足誰  
得之楚霸垂涎几上肉彭城南面高高臺吐氣揚  
眉躍馬來攬轡翻疑迸星電據鞍了不動塵埃行  
人側目高臺路底信君王戲馳鷲寧知酷意事鞭

筆要取乾坤歸獨步憶昨馳向鴻門中張樂左邀  
隆準翁凡馬誰令俱辟易真龍天實啓英雄項莊  
拔劍當筵喜百二山河酒杯裏馬知傍有樊將軍  
怒髮衝冠壯心起翩然得勢騰蒼鷹坐使鳩鷃笑  
不膺手中玉斗碎如雪帳底貔貅冷若冰事機一  
去竟莫舉蓋世拔山皆謬語虞姬痛別難再逢烏  
騅欲逝從何許老我平生懷古心觸目興嗟愛遠  
臨西遊七澤雲夢水東踐三齊泰華岑北來獨立  
高堂上范增之墳屹相向黃河到海不復清此意

令人絕悲愴

珠湖隱者篇

李白醉着宮錦袍倒騎長鯨鞭怒濤笑歌濯足九  
江水睥睨萬象輕鴻毛先生早已避名譽遠棹孤  
舟弄雲去夜深手把明月光更訪龍圖讀書處

趙仲穆山水圖爲郎中董君美賦

吳興山水稱奇絕欲往見之不可得山如游龍水  
如練寤寐神交久相識去年東征震澤歸偶向吳  
興泛夕暉浮玉山前酒初熟碧浪湖中魚正肥徑

鳳池吟藁 卷之二 三  
從買魚酌白酒短蓬繫在滄洲柳看山飲水無了  
期雪花飛來大如手山蒼蒼雲茫茫別去懷思山  
水長今年觸熱上齊魯直駕天風辭豫章江湖蛟  
鼉宅淮蔡魚龍鄉黃河下瀉神激揚一息泰山青  
在望北來宴坐觀清濟却憶雄飛數千里東掖郎  
官尤好騎酌我春風紫薇底手提名画山水圖派  
出吳興松雪裏求我試作山水歌爲我素知山水  
美展圖累日怡心神水綠山青太逼真聯鑣二子  
謾馳騁我亦况是丹青人吳興書法妙天下筆意

尋常寓圖画一水一山踏籀文裴邈來時絕驚訝  
君不見司馬遷生平足跡半山川主經奴死走百  
氏迴得山川一氣先愧我長年事奔走耿耿胸中  
復何有雕虫刻楮殊未工默對江山玩星斗

捕魚圖爲蕭楚芳賦

落花溶溶江水春江上好山如故人兩髯踟躕事  
辛苦舉網截江遮巨鱗容儀頗亦類古雅匪特臨  
流羨漁者天機妙發毫素間画師豈是無心寫一  
髯長操百尺竿一髯屹立當風湍後先指示若爲

語得失所繫何其難綠髮小兒殊不癡解帶默默  
臨清漪偶然一飲坐樹下鱸鮓有無初不期君不  
見任公子汎汎揚州弄雲水六鰲駕出海上來未  
必竿頭能致此又不見張志和嘯歌紫芝坐綠莎  
一絲風月亘終古眼底屑屑浮雲過覽君此圖動  
深省世間萬事魚戲鼎唯有渭川姜子牙直釣下  
釣蒼波冷

登會盟臺

金戈四塞烟塵裏游說縱橫日遙起喜則連和怒

則攻瓊瓊會盟何足齒澠池城西百尺臺落落瀟  
瀟吹草萊白頭父老走相告此處秦王會趙來往  
年譎易連城壁已憾當初留未得一朝又約西河  
地勢欲平吞弱強敵秦王虎視函谷東海內諸侯  
皆向風邯鄲伊邇彈丸地秦擬取之猶殼中趙家  
賴有相如在肯與惠文增氣槩左右侍立如堵墻  
張目叱之如芥蒂秦王倚酒何見欺豈以聲音趙  
所知轉枉撥絃未終曲抽毫伸紙已多時相如一  
顧聞秦樂瓦缶高擊侑王勺請王一擊爲趙王頸



血濺王心不忤酒闌會罷當澠池兩國陳兵目送  
之後來登臺念遺事慟及西周王道衰我思趙璧  
非爲寶相如病後廉頗老季世烏知用郭開反手  
邯鄲跡如掃

班枝花曲

班枝花光燁燁照耀交州二三月交州人家花滿  
城滿城花開未抽葉焜煌隔水散雲彩幕歷緣空  
張錦纈信非韓郎丹染根恐是杜宇啼成血啼成  
血著樹枝點綴穠芳也自奇嶺南到處足種此嶺

北居人稀見之穠芳曉落花時雨東家西家且鷄  
黍當門笑拾瑪瑙鍾持向城南踏春去交州地暖  
春歸早一夕東風爲誰老翠苞半拆漸吐綿雪花  
填滿行人道越娃携筐爭采綿采綿盈筐勝萬錢  
搓就瓊簪膩如蠶絲成冰縷細如烟細如烟千萬  
縷綿綿到底知幾許的的燈煤夜結花軋軋機聲  
暗相語停梭掩袂那得眠吉貝相將下機杼并刀  
裁剪秋江雲與郎爲衣白且新鄉社年豐載春酒  
郎試新衣賽海神從今只種班枝樹開花結子兩

成趣勸郎切莫種垂楊引惹長條繫愁緒

題僧巨然長江萬里圖

老禪好畫如好禪不到覺悟不肯息一朝縱筆恣  
揮洒萬里長江落胸臆我聞大江之水出岷山漢  
江之水出嶓冢兩江合流東向趨霧滃雲蒸變俄  
頃此圖乃獨見源委豈與尋常画師比地形筆勢  
俱兩全白壁黃金謾堆機又聞瞿塘之險天下無  
江水倒瀉山模糊烏石灘高浪濤急白帝城荒古  
木疎枯藤挂壁下猥狄苦竹緣江啼鷓鴣展圖不  
得一見此令我扼腕長嗟吁世間好画豈易得討  
論應須待裴廸欲追太史賦遠遊直上岷峩看晴  
碧

從軍樂

從軍樂右插忘歸左繁弱天子有詔征不廷重選  
前鋒掃幽朔出門萬里不足平宛駒照耀黃金絡  
去年鏖戰葱嶺東今年分戍蓬婆中蓬婆城外一  
丈雪半夜紫馳號北風少年忽憶慷慨事便起酌  
酒澆心胸酒酣耳熱聲摩空手舞三尺青芙蓉前

將軍右都護壯士在榮不在富一朝手格樓蘭歸  
人擁都門看馳騫朝承恩暮承顧出入三軍稱獨  
步都門富兒空萬數人生豈被從軍誤

### 楊白花

楊白花爾何白蕩漾春心易南北媿人深宮愁捧  
心擊碎珊瑚爲誰惜大江東流烟霧深欲徃從之  
思如織

### 涉江采荷花

郎騎白馬臨江澣妾采荷花涉江浦郎情若比藕  
絲長妾心勝似蓮心苦藕絲長難縮結蓮心苦莫  
如妾天長地久此心存花落花開任情絕

### 長歌行

貧不干升斗粟富不欲方丈殮古來窮達等細事  
何用屑屑摧心肝萬金鑄寶劍千金買雕鞍出門  
得意青雲端五花照耀春雪乾石家金谷果何在  
落花衰草秋漫漫君不見長安市上李謫仙十千  
取酒醉卽眠有時長歌動八極徃徃鼓吹三百篇  
一朝掉臂滄江前眼底富貴浮雲然眼底富貴浮

雲然

哀蛩吟

西風院落無人語  
白露泠泠滴秋宇  
仰見明月河漢高  
唧軋哀蛩弄機杼  
唧軋唧軋機杼鳴  
綺窓飛度玉梭輕  
同聲合奏思無限  
萬緒千端織不成  
芳蘭夕氣浮金井  
寶鴨沉烟翠衿冷  
蕩子從軍去不歸  
妾身抱恨愁孤影  
此時此夜聞此聲  
更長夢短難爲情  
銀釭暗擊玉釵碎  
錦瑟斜移金鴈橫  
金鴈斜橫飛不起  
漫索餘音滿人耳  
梨雲化作陽臺夢  
家書望絕湘江鯉  
湘江水流東復深  
蕩子不歸勞妾心  
故將鮫人萬斛淚  
寫入哀蛩腸斷吟

狂歌行爲葉宗海賦

西欄生文中  
虎人中龍身  
披紫雲口生虹  
九江秀色剪瞳子  
出門一笑天爲風  
十五卽汗漫壯遊滄海東  
仰超鴻濛凌太空  
俯拾雲夢吞心胸  
似非隴西之長吉  
何以結交皆巨公  
我才况是燕臺客  
深托黃金鑄龍骨  
長風吹來天際游  
與君相逢若相識  
君方解以狐白裘  
質以銀驄馬得錢  
卽沽趙州

酒挽起明河一傾瀉醉呼平原君大酌花樹下璚  
枝妥香熏羽衣碧寶盤流接杯竿君先舞我當歌  
天爲幙雲相和金壘倒挹春浩蕩玉冠倒挂水嵯  
峨淙淙小兒走驚笑笑我與君將爲何將爲何誰  
知音白雲忽來知我心不見山公後習家池草深  
此翁放浪有真意大道汙隆無古今罷歌回舞思  
莫極一鶴飛下瑯琊岑

四禽言

不如歸去游子天涯斷腸處瞿塘峽口風浪喧祈  
連山頭水雪聚不如歸去

提葫蘆沽美酒富貴於人復何有人生行樂不及  
時坐見朱顏成白首提葫蘆沽美酒

蚕老乏婦舍北舍南春已暮小麥蘄蘄大麥黃縹  
車挂壁塵生釜蚕老乏婦

行不得也哥哥巫山路遙湘水多桂樹叢幽啼虎  
豹桃花浪濶喧蛟鼉行不得也哥哥

江陰老人謔贈吳指揮

江陰城中頭白翁面皺腰曲雙耳聾手扶竹杖官

道側向人欲語捫心胸自言往昔承平日老夫城  
中家富實一從淞右干戈興官稅民差日繁劇大  
兒從戎行小兒當賦役縱有老夫存連年避兵革  
元戎既退海寇來江陰城中生綠苔人心沟沟樂  
變易殺人何異除蒿萊去年自逢吳總兵與民爲  
主民獲生官軍不擾民樂耕大開濠塹堅築城老  
夫甘分守困寡不忘作詩譎太平

農家樂示寧國縣官

農家樂農家有田負城郭枯桑回青楊柳黃手把  
耒鋤事東作城中近有能長官官稅民徭務從薄  
吾農但願風雨時打鼓催耕轉村落千倉萬倉輸  
到官躋彼公堂獻康爵三冬閉門喫飽飯誰人得  
似農家樂

憎王孫

王孫爾爲何代客陵公變遷歸不得衣冠毀裂不  
似人放浪形骸恣飄忽春山高高春樹蒼爾乃結  
黨成跳踉山下有田多百穀爾復蹂踐不得將喧  
呼萬狀絕可惡見人褻狎乃所長我獨嗟爾類不

鳳池吟  
卷之二  
三  
如狗與彘狗彘猶能依附人爾何爲乎自輕棄

野禽鳴

告天兒何獨悲脊令原上春風吹雄雌頡頏羽襪  
徙路旁行人愁見之驀然掀起數百丈以聲叩天  
將爲誰其音嘈嘈其尾佳佳喉乾口燥無了期使  
人聽之心膽摧中原板蕩十餘載五兵血戰三精  
虧黃沙漫漫草離離髑髏如霜骨如雪彼蒼高高  
知不知匪風下泉感於斯念汝微物知安危告天  
兒獨何悲

啄木

啄木啄木爾何爲乎碌碌朝飛茂林夕飛叢麓倚  
利觜而斧堅索虫螿以克腹其役何勞其得何足  
秋風烟隴佳禾熟胡不從之啄金粟

鳳池吟稿卷之三

五言長律

溯右苗帥率徭獠來歸右司王愷往慰之因  
其回作詩贈

昭代垂洪業皇風被遠人三苗馴禮化五嶺淨烽  
塵况值來歸際宜加撫慰諄茲行關國政重選得  
儒臣陸賈曾通越張儀每到秦祗應談寸舌孰與  
布深仁羽檄通宵下星麾介曉陳冒雲扳石磴乘  
月度溪津崖氣沾衣濕藤枝刺眼新野人爭共看



屬吏候相親遠道經踰月遐征未浹旬只今全補  
報曷敢後艱辛外闈趨迎久初筵禮數頻片言垂  
懇懇百諾進循循上日回丹旆高秋擁畫輪麒麟  
驚過電徭獠集懸鶉歸拜彤庭曉徐回玉殿春啓  
居親顧問獻納賴諮詢將命功堪賦來宣事絕倫  
爲君歌雅頌想像畫麒麟

贈孫炎

拜命趨侯府持書出省曹宦遊千里外公論一時  
高曉日鳴珂珮晴天簇羽旄暫爲東楚別且醉太  
平臯祖席陳麟脯賓筵集鳳毛清歌來窈窕名酒  
挹蒲萄好奮雲中鵠須持海上鰲贈言良在耳極  
意對揮毫野色熏青草瀾光灑碧桃徘徊瞻鵲喜  
彷彿及蚕繅疇昔成戎服陪行擁戰艘每同登虎  
帳恒得進龍韜况復膺新寵休云任獨勞漢廷思  
賈誼晉室望山濤多事煩經濟羣情慰鬱陶撫摩  
深見托佐理未爲叨周道期回轍強弓擬載橐豺  
狼終見化蜂蠆亦何逃陋巷騰歡笑交衢絕慟號  
九華應遠待飛翠照恩袍

送蔡元善之官銅陵

白面黃華使朱衣紫府仙儀容追典雅進退合周  
旋捧檄長觀國宣威每到邊風塵雙鬢底江漢一  
帆前上相憐多藝諸公念獨賢銅陵開舊治玉案  
喜新遷拜命兼恩寵躬行在勉旃好扳潘岳駕莫  
後祖生鞭旦日催鳴珮春華簇舞筵從來枳棘地  
鸞鳳豈留連

豫章南樓

適意緣清景馳思屬早秋眷焉臨勝地暫爾憇南  
樓楚岫雲中出章江樹杪流涼蟬汎聲響細草沒  
歸愁鼓角三邊壯檐帷五月留誰知放歌者脉脉

寄滄洲

鳳池吟稿卷之三終

鳳池吟稿卷之四

五言律詩

月夜登豫章南樓

酷熱不可敵起登江上樓  
焚香就華月援琴彈素  
秋高梧宿鳥下芳蕙夕  
螢流覽物感時序清笳發  
瞑愁

九日

長劍客千里一杯歌七哀  
晚節忽已至秋芳殊未  
開平沙誰戲馬落日自登臺  
西北天垂遠滄江聞

鴈來

寄孔博士

疇昔同趨召鷄鳴候啓扉聯章門下進並馬月中  
歸掖樹啼鳥早風花委路微相望隔千里目斷楚  
雲飛

寄西掖諸友

玉簫吹鳳凰關月寫滄浪故國幾時到高樓今夜  
長候虫啼露壁涼葉下銀床無限懷人意裁詩遠  
寄將

忠勤樓諸老夜直余時守省作詩寄之

西掖延秋爽高樓倚太清玉繩當座轉銀漢近人  
明上相思經濟諸公任老成不知前席夜曾語及  
蒼生

晝省夜不寤起行雙樹間遙聞唳孤鶴清響落空  
山涼露徐徐下秋雲故故還從來事幽覽頗與意  
相關

耿耿衆星白漫漫長夜寒萬方猶事武一榻豈容  
安零露沾琴席高梧下井闌永懷何以托詩罷運

倚蘭

露坐

愁極覺宵永坐深知露涼遣時聊命酒愛月屢移  
床北斗回杓近高城下漏長用非疏附者撫事卽  
蒼茫

小孤山

海門第一關蒼翠五雲間陰雨蛟龍出晴天鸛鶴  
還江聲春夜寂草色帶春殷欲往臨危頂因之望  
故山

月夜同諸友酌

休撥紫檀槽且傾黃濁醪涼天兼得月我輩復持  
螯彭蠡一杯大匡廬半壁高竹林瀟灑地應有醉  
山濤

登徐孺子亭

高士不可得茲亭幸爾留偶來當暇日况復及清  
秋湖水當門落松雲傍枕浮幾時閑歷覽乘月放  
扁舟

晚晴江上

江水鴨頭綠楚山螺髻青鷓鴣啼不盡花發樹冥  
冥微風汎蘭櫂落日過松亭勝境思彌愜漁歌隨  
處聽

西掖聞鶯

粉署春已晚黃鸝時復鳴落花蕩輕吹繁木翳新  
晴好語多聯續餘音入紫清鳳凰池上客一曲送  
新聲

清風亭對酒

二月雨中盡一尊亭下開青山望不極白雲招可  
來啼鳥合芳樹落花委蒼苔遙知舊游者歌詠鳳  
凰臺

寄陳僉事

露白團秋草天涼悲晚蛩懷人當永夜看月上疎  
桐邊候風傳息畚田歲喜豐了知巡歷罷雙旆引  
歸驄

秋日憶故園

素得故園趣遠如南澗阿衆芳時旣集啼鳥秋復  
多對竹不及晦酌酒屢當歌去鄉僅十載懷之可

奈何

郡齋秋日

惟幙公事簡齋居文墨閑開廉坐白日拄笏對青  
山謬拙占微宦疎慵覺厚顏空令懷舊業心逐鳥  
飛還

歸畊叟

軒冕若爲累田園信可耕寧知靜者意不類曠達  
情過江逢雨歇穿林聞鳥鳴得酒亦復醉陶然終  
此生

秋樹

墻頭兩好樹翠碧積陰陰落日風濤起滿庭秋意  
深繁條委砌石涼葉下衣襟况有行歌者聞之亦  
散心

登鳳凰臺懷孫伯融

故人不可見遠懷良未開烟樹暮雲合江帆春雨  
來含情望三益撫卷歌七哀聊以酒一斗携上鳳  
凰臺

征婦詞

夫當戍關塞妾重事姑嫜見月驚離別裁衣欲寄  
將淚先金剪落心逐蠶絲長想得倉庚語歸時日  
載陽

東葉滙

子獨抱遠器澹然陶至情素無圭組繫緬有林壑  
情園涉愛嘉樹觴詠掇芳英余亦忘機者世紛非  
所嬰

宿浦江錢氏山居宋尚書錢適後

喬木蒼然者如君有幾家安居忘歲月適意在烟  
霞對客開春酒當門掃落花萬方從戰伐全不廢  
生涯

四壁暮山紫千章春樹齊若人忘世故築室住岩  
西靜日看雲出開簾聽鳥啼客來携子侄隨意閱  
新題

贈孫伯融之官池場

江浦晚霞明桃花春水生來携建業酒送子池場  
城臨發贈寶劍開筵彈玉箏况當理新國珍重在  
斯行



鳳池吟  
卷之四  
夜泊臨江城下

維舟近清樾坐愛江水深  
飛雨忽沾席涼風吹滿  
林當歌發慷慨訪舊縱登臨  
聊以寫綠綺因之清  
我心

曉經豫章城東

忽忽歲年暮感我去鄉思  
臨軒梳短髮緩轡過方  
池野曠秋雲淡天涼露氣滋  
澹臺遺塚在誰與薦  
江籬

藥架閣督運宣徽

江色淨如洗白門三月春  
愁來別知己况乃是鄉  
人積雨暮雲合東風芳草  
新宣徽者舊在相見重  
諮詢

蕭何餽餉日漢業經營時  
一旦見圖繪千年垂令  
儀因君當遠發倚馬贈行  
辭預擬旋歸旆丹青滿  
鳳池

排悶

布衣不任事恒似涉風波  
况值經營際其如會計  
何長官憂見罵小吏厭  
相過翻憶秋池上臨書換

白鷺

登鳳凰臺

久游龍虎國每上鳳凰臺一水浮衣帶三山落酒杯  
東南形勝在空濶回圖開有感風雲會從天五  
馬來

清夜

月林栖羽白露草啼蛩清秋帶銀河瀉涼隨水簾  
生彈琴送逸響酌酒散幽情賴有同袍者俱爲江  
海行

寄省中諸老

台衡森列宿伊邇紫薇垣諸老臨清地匡時在直  
言醴泉方浩瀚鳳鳥任騰騫我獨南征久年來憶  
故園

贈李士良之官宜興

近美除州牧多言用舊臣正須宣令德毋乃爲斯  
民沙暖潮痕淺城春柳色新應思陽羨路日日望  
車塵

柬孔都事

一日不趨省寸心何以安開門偶自適力疾強加  
餐廣野衆星出高城暝鼓殘思君進謁後歸騎北  
風寒

西施灘

東越國已泯西施灘尚存天垂芳草地漁唱夕陽  
村荇帶牽舟楫羅衣拂酒尊杜鵑緣底事只管下  
啼痕

宴建德南樓

綺席張新宴華裾縱合歡蔗漿調碧盃魚鱸縷冰

盤高閣宜開晚輕衣不受寒坐聞彈錦瑟涼月在  
闌干

秋日用張都事游田墳詩韻

命駕來游日看碑數歷年紺雲籠淨刹碧草上遺  
阡野興三山外秋聲萬竹邊應逢大小朗衣茗試  
新泉

登蔣山望江亭次韻二首

絕頂出華構有時來一登曾將六朝事閑閱百年  
僧寓目誠多感投身愧未能暫留林下夕江浦散

漁燈

每到蔣山日令人老眼青溜泉深處落獨客靜中  
聽蘿徑依禪榻苔函鎖佛經更須臨絕頂一上莖  
江亭

九日荅郭生詩韻

眺望思彌愜况當秋序殫微烟澹遙水落日下平  
巒每喜疎花發得遇知己謹壺觴且清話聊樂復  
何歎

送院判俞子茂進兵番禺

江東風日晴把酒送君行好慰三千士將收七十  
城烟花催疊鼓雲騎擁連營山越人爭喜殊方自  
此清

和主敬陶員外詩韻

相國深圖治郎官早見親每膺前席夜會屬後車  
塵種竹思儀鳳將書究獲麟憂時生白髮迥比向  
來新

贈歷陽令

縣宰張公子能官且好文擬將清白節報荅聖明

君撫卷歌秋水揚舲帶夕曛鷄山何處是西望碧  
網緼

風雪大作子敬宜酒喜朱伯徽尋魯志敏回  
天寒棲鳥定野澗暮雲多奈可山城寂其如風雪  
何感時將白髮處世尚彤戈賴有王都督徐徐動  
雅歌

凍雪迷山屐寒風襲毳袍干戈猶未弭吾汝豈辭  
勞大字傳飛檄深杯送濁醪老懷殊自喜早晚問  
包茆

題玄同子卷贈考功葛元德

吾愛玄同子須眉冰雪清一言辭職去九轉煉丹  
成句曲陶弘景冷陽竇子明相望隔千里松鶴倍  
增榮

憶建業

江城秋宴日公館雨來時縱得陶潛酒難澆宋玉  
悲浦雲寒易濕汀草暝先知何以長干道悠悠我  
所思

豫章秋日聞鶯

鳳池吟集 卷之四  
杞樹葉半脫不禁黃鳥啼興闌緣夢斷愁盡覺聲  
低南浦涼雲薄章江碧草萋終非舊聞處花發鳳  
池西

贈卜明府

聯轡出東野長歌贈貳車要知勤庶績方不負新  
除好日開春酒晴江上白魚明當有嘉政取次爲  
君書

送李員外往臨川議事

四牡動鳴鑣雙旌擁使輶省郎臨政日郡吏候來  
朝送別當秋野行吟過浦橋煩將經國事細語霍  
嫖姚

贈周卿往臨江

秋風動庭闈游子賦無衣謾托青雲想空令白日  
飛江流來浩蕩樹色帶依微西郡多朋達停驂候  
遠歸

奉旨詠五明馬

九尺風神異五花春色明璠璣裝絡腦珠貝結繁  
纓霧滃來天沼星馳過石城千金逢伯樂一顧未

鳳池吟  
卷之四  
十三  
爲輕

荅友人夜直詩韻

碧樹秋聲滿，彤庭月色高。  
故人待清漏，永夜直東曹。  
聽履鳴瑤珮，飛觴看寶刀。  
猶能臨素壁，和露點霜毫。

野興

野興自不淺，秋聲何復來。  
樹深寒易作，門僻曉慵開。  
擬寫江淹恨，慚非宋玉才。  
素琴多雅調，稍理向池臺。

贛城水東

烟嶼水花淨，風潭雲樹齊。  
倒藤懸宿鳥，絕壁掛晴霓。  
岑寂坐忘返，空冥思欲迷。  
塵纓如可澣，予亦賦幽棲。

鳳池吟  
卷之四  
十三  
鳳池吟藁卷之四終





